

慶州孫氏派譜序

蓋嘗人各有姓氏者昉自五帝既有傳來之稱而姓者統其祖
先之所自出氏者別其子孫之所以分是故溯同源而昭系其
姓任分封而各稱其氏也昔在殷周之盛但有隨其封別其姓
而稱其氏辨逮至唐宋追其姓稱族收其族修譜焉然只揭派
分切近之族不謀天下至遠之族則雖是為修譜之指南而未
聞其詳者也爰自東邨譜系之規亦不詳明婚禮之方間多紊
亂者其故可知夫乃以漢北之隆明前鑑尚塵收族之方嫁娶
之式亦有幾百年濡染矣後來聖明繼作儒賢輩出定其禮明
其義國有乘而詳明家有譜而備悉矣今於全鮮之族猝遇板
蕩惟恐世系之墜失各修其譜者何限而嘗論其規則牒載祖
先之生卒月日及墓在何所且從行序載之曰子娶於某姓某

賢之後女嫁於某姓某賢之後須使內外之派亘百世而昭講
其誼則頗詳頗密豈有若此者乎偉哉偉哉大抵我孫氏系出
中國之樂安而蓋有百三十五本然布在東方之族各因分封
而稱貫曰慶州曰密陽曰平海曰求禮曰扶安曰羅州曰安峽
曰清州想認明其世修其譜而落落難合未知幾千禩矣噫閱
幾千載之下而講幾千載之前尤不難乎哉但以知疑闕而
靠古癸亥譜規如例而止然獨於慶孫之譜比諸他家之譜則
踈略甚矣自孝子公以後莫知幾世間之且上世所載未滿二
十世而往在 英廟癸亥始營大同合譜持憲公序文曰籍於
慶而譜不及者尚多此由於譜系之不明而人不知來處者也
又曰由羅代迄于今千數百年之後始列此譜蓋其考據遺蹟
採拾散逸遂成鉅梓可謂傳道之勞而得聞其詳然遠方流散

之族矣可以團合一譜乎此未免一家之系牒而已亦不為收
族合同故後來各派間多派譜之例而及至三周癸亥宗支齊
會合譜之論允同謀營剗剗乃得印布然詳略相半矣伊來十
數年之間桑瀾載翻陰陽易位而卒當白龍之紀祀創氏之督
籍甚則舉國之族去姓之氏者如鴻投水如蝶赴花以至父子
異其姓兄弟異其氏夫婦亦同其氏姓仍舊而存者無幾矣蓋
稱姓稱氏則五帝三王之襲未知有施於今日而夫婦移其氏
姓而同其籍則曾所未聞者也追移之言雖為指證而下喬入
幽之歎臨歧染絲之悲亦不罔措乎惟我仁川一派乃忘齊公

之後也亦多創其氏推此觀之乃以一氣之分渾不知某之子
某之孫亦不知某姓某氏之派別則收合修譜之義亦不急務

字修單寫本已至六七歲而尚在中行矣今於天道有循除掃

氛侵則統鮮舉族咸復舊姓而吾宗亦焉此豈豈非爽快者耶且
前日弁記則不假變易而依本印布然收族之義不必前非而
後是也僉謀詢同敢盡其靡遠之誠詎不垂歎據古而觀此譜
則孰無感愴之心油然而生者乎亦有感於千古之蹟而諗于來

裔如此云

歲甲申流火節忘齋公十二世孫前文學院博士永斗泣
血謹序

美廟癸亥舊譜序

吾再從父大尹公尹茲東京之越明年甲戌聚族人之居于慶

者而論之曰吾家譜尚不得剗削而藏之余恐久而益寥寥焉
今其責在余余敢不力焉於是與諸族人哀輯家藏舊譜參互
考證稍加修繕遂成為一部冊子將毀于梓屬不佞以其顛末
不佞有不敢以不文辭者謹按月域孫氏鼻於大樹部卽新羅
六大姓之一也上世不可記降而有石鍾之異事譜有孫氏祖
始此其後世蟬螞為三韓著姓宜若文獻之有可徵者而始祖
以下只書有諱某有諱某係於始祖之後不曰子某者垂四代
則舊譜之錄如此而代序之所以失其詳也由茲而至于檢校
公仍數世顯於麗朝於是而有監察公仕本朝鷄林孫氏之稱
又大焉竊惟監察公積仁潔行趾美于後蓋其子孫代有名入
有若鷄城以文章行誼著名國朝亦越襄敏景節二公以忠勲
道學卓卓當世交映千祀而凡我內外孫之派別於一譜者實

自監察公始矣故列書鼻祖以下於冊子上極行至監察公而止者以著子孫之所共祖也此則新譜之錄而向所謂稍加繕修之類也自餘譜規於凡例總錄載其詳焉余嘗聞程夫子之說曰管攝天下人心收宗族厚風俗使人不忘本須是明譜系蓋譜系不明則人不知來處以至流轉四方往往親未絕而不相識古人修譜之意有以也東方之有孫氏大樹以前未有聞也則我國之孫皆出於慶可知已再受封而別族者不論也有貫籍於慶而譜不及者尚多此由於譜系之不明而人不知來處者也嗚呼百代之親有百代之義而相視如塗人不亦悲乎然此則老蘇之所謂勢吾無如之何者幸吾譜之有成而不至於塗人者盡吾敦敏之風可乎噫觀是譜者其可無油然而心乎余於是尤有所感焉由羅代迄于今千數百載之後始得賢

子孫守此土而刊此譜則此亦千載之一盛事也後之覽者亦將有感於斯焉

崇禎紀元後甲戌十二月日密直公十一世孫奉直郎前守司憲府持平德升謹序

譜族古也世之有姓氏者必有譜所以溯本源而昭倫緒也吾宗舊未有譜余之曾王考正郎公嘗博考遺籍質之東史記始祖以下事蹟頗詳子孫之支分派別者廣採而備錄之以貽後昆往在甲戌年族大父大尹公為月城伯菴事之暇首以刊譜為急與公再從侄特憲公就舊譜中參互考證裒輯其遺漏釐正其訛誤囑特憲公為之序將不日入梓事未就而遞歸後二十年而公遽捐館遂使平日之苦心經記者終成千古之恨可勝痛哉尚幸公之仲胤綾州公復承考志與特憲公同心區劃

庶幾有成而時屈舉羸遷就歲月未及印布而兩公相繼捐世
一部遺編手澤依舊而但為中衍之私藏宗人之咨嗟永歎者
久矣今吾宗兄孟杰氏與大尹公之長孫雲煒甫謀所以繼述
者使族弟壽聃雲纘幹其事於是二君者收拾物力之餘存者
添錄子孫之見漏者繕寫成秩募工始役不數月而工告訖門
人囑不佞以記其顛末嗚呼我正郎公修譜之意蓋有待於後
人而以大尹公之厚德重秩綾州持憲公之克家敦宗竟有所
未遑焉今二君者能因其緒而成之使宗譜得完先志無憾是
役也迺吾宗之大役也豈非有數存於其間而大有光於前人
耶若余者老而病跲既無以致力於斯役而深有憾於明人之
請茲不敢以不文辭焉乃若我始祖公孝行之卓異監察公四
世之德行功業載國乘照人耳目持憲公序文中已盡之矣奚

容不佞贅焉敢以蘇明允所謂觀吾譜者孝悌之心油然而生
之語敬為宗人誦之且因以自警云爾

崇禎後再癸亥十二月下澣密直公十二世孫宣教郎前成均
館典籍以雄謹識

吾孫氏系派頗遠而無刊行之譜此祖之所先嘗慨然而未遑
者也往在癸酉野村公尹東京始謀入梓未幾解紱而歸不果
就越至壬寅歲其季胤牧使公妻訪弊居語及譜牒事怵然有
繼述之意與梅湖公商確定議使孟杰掌纂正之役孟杰乃敢
取曾王考所正舊譜及各派所錄參互攷據闕疑正訛成為一
帙復輪示於遠近諸宗俾自釐校凡其規模節目從二公意也
及牧使公宰湖邑將貫土字印布遞歸而事遂寢茲事之前後
再謀而終不成者豈非吾宗之不幸耶此是諸宗人因涑村先

瑩會奠議出墓田羨餘若干穀經紀累年至是歲冬購得木字
于達城朴氏之家塾而印之宗人壽聃雲纘氏實幹是事走書
告以始役孟杰聞卽來赴改定譜規稍加增潤又為世系圖及
凡例總錄付之工手而印出一帙凡三卷所印得二十五件分
送於各派而藏之噫先父老未舉之典得成於今日者蓋亦有
待而然歟梅湖公舊序成於甲戌其述先德敦宗誼蔑以加焉
今并之卷首兼以存野村公當日謀刊之盛意又敢略識修譜
顛末以附于左

崇禎後再癸亥臘月下澣宗裔孟杰識

丙申派譜序

余嘗攷閱吾宗譜系而至先祖忘齋公重有感於吾家累世零
替之甚也昔在龍蛇之亂維我九世祖諱暘以忘齋公胤子知

族親之在尚州山陽者而來投焉僑於箕谷未幾公與配昌寧
成氏并棄世時八世祖諱弼年纔十歲矣孤子無依轉向于醴
泉而居焉然則學生公兩世自慶而尚自尚而醴為始遷之祖
而至于高王考凡五六世單獨僅保一脉於窮山之間而先世
文籍蕩然於兵燹之後經劫於鬱攸之災惟有家乘小冊之掇
拾而相傳諱啣之繼序而特書逮我曾王考始有兄弟之分而
從祖又入繼於從曾祖則吾再從為三從而實皆我曾王考之
後也然今亦未可謂蕃衍而比於中否則稍有可望於後耶嗚
呼吾東之以孫為氏者皆祖於伊山而至大樹至牟梁至始祖
中祖迄千幾百年必冠冕圭組之赫奕當世而文獻無徵世系
之猶失其傳則况吾祖之孤寄窮荒歷世之不絕如綫而不墜
先緒有所攷信者茲豈非大幸乎然吾宗之譜有可恨者存此

是向所謂重有感者也粵在甲戌野村公之尹東都而始營刑
劓屬持憲公序之其曰有貫籍於慶而譜不及者尚多此由於
譜系之不明而人不知來處者也噫此時則吾家零替之極而
譜系雖明人不知之故漏焉野村公遽又解紱朱果刊行遺編
閱世而至癸亥始印布之然吾宗不聞吾家之所在而吾家亦
不聞吾宗之譜成故亦漏焉悲夫他派之參入於譜者不知吾
家之尚在於一隅遽謂忘齋公無繼者誠率爾臆度也何者忘
齋公二兄曰司勇公曰景節公二弟曰吏議公曰修議公而修
議公無子故以吏議公次子為後則於此他派之親可自知忘
齋公之有後而何不知乎觀於忘齋公於吏議公次序為兄則
吏議公之次子不繼於兄忘齋公而繼於季修義公可謂知其
有後也然不知者在他而知之者在我則何尤於他派之譜疎

略於吾家哉。余於是愍夫先繼之，或至墜失，故尤詳於志齋公。以後摭載遺蹟，以貽百世之來者。有所考據，自成一家之譜牒。而他派之親，較然知志齋公之有後，且使本孫知祖先積累之蔭未艾，而以俟合譜之日云爾。

上之十一年甲戌秋九月下澣，志齋公十世孫武宣傳鎮厚謹序。

丙申派譜續序

維我先君嘗慨然於宗中大同合譜之無期，而每恨先系之見漏於舊譜，追念中世之歷落於窮鄉，往在甲戌，改其遺牒，修正家乘，遂成一冊子書之曰慶州孫氏族譜。實序而弁首之，今忽已二紀矣。奉閱敬讀，手澤如新，風樹之慟，不覺淚自傾也。噫！先君繼志述事之意，在茲而啓後貽謨之旨，亦在茲矣。謹按當日

修系之例一依祖先所傳之古蹟而不以隻字揣擬惟書其累世諱字配位姓貫生卒年月日及墓所之在某山表表可考燦然明備足以為吾先祖後者之所珍玩然合譜諸宗是我先君之志也不肖譾劣以是為食息間憂而竟至落落難合互相鑿枘挽近諸宗各修派譜卒不得爛熳而同歸此非百代敦睦之誼少衰而亶由於宗派之為愚齋公後者未遑於譜事也然則為我忘齋公子孫者同為襄敏公後裔而修譜之義當取正於愚齋公派以寓尊祖敬宗之禮而矯首東望冀聞鼎重之緒論然寂寥杳邈使此齋志者虛拋年歲而竊念家故延綿桑瀛累變感古傷今之懷難禁而益切奉遵先志以俟東都合同之日而且因思遠思治之時亦不可以一通寫本舊塵架篋故無敢增刪於先君之手定而得添錄各家子孫之次第生長者付之

剖劓卽為印藏累帙豈曰我先君之志已就哉維其微誠之粗
效而溯其源委敬書之如此

丙申臘月上浣不肖孤鍾禹謹識

慶州孫氏派譜卷之一

始祖諱順字士久官師傅謚文孝公配白氏平岑太守永發女

○新羅興德王時人公養母至孝有小兒每奪母食公謂其妻

曰兒可復得毋難再養負兒入醉鄉山北掘地欲埋忽得石

鍾甚奇夫婦驚恠妻曰得物殆兒之福不可埋也公亦以為

然乃負兒與鍾而還家懸鍾於樑撞之聲聞王宮王使人審

之具奏王曰昔郭巨瘞子天賜金釜今孫順埋兒地出石鍾

前後同符乃賜屋一區歲給粳米五十石事載輿地勝覽及

孝行錄

醉鄉山即今慶州見谷面鍾谷在府北二十里許有

碑性齋許傳撰○東國史略有曰新羅興德王九年乙卯賜

孝子孫順家一區歲給米五十石順牟梁里人父鶴山沒家

一世

二世

貧與妻傭作人家養
母至孝乃有是賜

諱富

吏部尚書

諱翼恒

吏部尚書封
月城君

間自始祖諱順至諱阿凡三十世而講質難明只此書之

諱翼減

吏部尚書追
封君

諱翼淡

吏部尚書追
封君

諱阿

司馬文科嘉靖大夫檢校中樞府事號潭菴遷朝從二品

諱藏

奉翊大夫門下侍中兼私文館觀象監密直副事

諱甫

麗朝門下右相配安東權氏戶長慎行女

中祖

二世

敬源

子玄儉

奉翊大夫判密直司事追封推

嘉靖大夫檢校中樞院副使入

三世

子登

承議郎官司憲府監察

四世

子士晟

生洪武丙子文科通政大夫

五世

子旭

癸酉文科官掌令李施愛叛於

六世

女趙文琳

漢陽人參奉子恁